

Амтнă бӑадлӑр; производствур ӧӧрдхмн

Мана колхозд 69 хальмг ӧрк-бӑл ирв. Колхозникуд тедниг негл эврӑннь ах-дӑ метӑр тосцхав. Кӧдлмш кедж чадх хальмгуднь цугъар производствд шунмгъа кевӑр орцад, чидл-кӑчӑн ӧрвллго кӧдлджӑцхӑнӑ.

Мана ӱкрчирин бригадиг артельд тӑрун нӑӱрт йовачнр гидж тоолцхана. Амн болгъна тоод мах, ӱс, тос гаргългъар Америкн Соединени Штатсиг хурдар кӑцдж авхин тӧлӧ бидн ӱр Цыганковин ӱкрчирин бригадла болн ӱр Уманжиевин хӧбчирин бригадла социалистическ дӧрлдӑнӑ бооца кевдн. Дару-дарунь нег-негнӑри ирлцӑд; дамшлтарн хувацад, сӑв-селвгӑн хоорндан ӧглцнӑвдн. Мини иньгӑд, ӱӱрмӑд Цыганков Уманжиев хойр сӑӑнӑр кӧдлцхӑнӑ, малиг мургълдж хӑрӑлад, малин хотхоолиг ӧрвldж гаргъна.

Г. КРИКУНОВ,

Западн района Сталинӑ
нертӧ колхозин ах ӱкрч

Бидн колхоздан нег ӧрк-бӑл мет бӑадж, ниигъӑр кӧдлнӑвдн. Олн-дундин эдл-ахуг залдж, цааранднь делгрӑлхин тӧлӧ бидн эврӑннь дӧнъгӑн кӑргхӑр цугъар зӑткнӑвдн.

Терӑнлӑрн хамдан, бидн, мал ӧскӑчнр, танъгъчин гардгч церглӑчнрт гундлта бӑӑнӑвдн. Ӳнтӧ ӱӱрмӑд, би танд гооднь келсв: танд кабинетдӑн суудгтн дегд ик. Манур ирнӧ гисн йирин амр ӧбрхи хаалгъ биш болв чигн, дару-дарунь йовад, эгл улсла харгъад, кӑӱндх кергтӧ. Мана хошмудар бӑкл джилин эргцд партийн танъгъчин комитетӑс, танъгъчин кӑцӑгч комитетӑс нег чигн кӑн ирсн уга. Эврӑннь танъгъчин гардачнрла харгъад, танъгъчин бӑӑх бӑадлин тускар, Хальм-

гин ӧмн бӑӑх тӧрмӑдин тускар ӱнн седклӑрн кӑӱндӑд, медсн болхла ямаран соньн болх бӑӑсми. Олн-дундин тӧриг медӑд, тер тӧрмӑдиг кӑцӑхд эврӑннь орман медхлӧ кӧдлхд чигн урмдта болна.

Дакад мини сургчм: селӑнд культурн тосхлтин кӧдлмш делгрӑлхд оньган ӧгтн. Ола кӑртл мана селӑнд поликлиник, тӧрлгънӧ гер, бань уга.

Аш сӑӱлднь келгчм: малд ветеринарн тетклт келгън бӑӑдл маниг, мал ӧскӑчнриг, тӧвкнӑллго бӑӑнӧ. Эн туст цугъар седкл угагъар, малин бӑӑдлиг тооллго кегднӧ. Тер учрар, мал гарутлгънур авч ирдгнь чигн багъ биш. Колхозмудар ветеринарн болн зоотехническ кӧдлмшт оньган икӑр ӧгчӑхмн гидж би тоолджанав. Америклӧ экономическ дӧрлдӧ кехд партин тӑвсн тӧриг кӑцӑхд хурдар эн манд дӧнъ болх.